

2º- Dado que para o desenvolvimento do establecido na Base 77ª respecto das competencias do Pleno necesítase dun informe previo da Intervención Municipal. ROGAMOS: se inste a dito servizo para que no prazo máis breve posible facilite aos grupos municipais dito informe para proceder, por parte do Pleno, a regular a implantación do control financeiro e de eficacia, o contido do seu exercicio e os períodos nos que se debe levar a cabo.

3º- Estes últimos meses vimos observando que nos días posteriores á feira de Redondela, o posto da polbeira permanece parcialmente montado, nalgúnsas ocasións ata a seguinte feira, ocupando a súa estrutura metálica parte do aparcadoiro.

Por isto rogamos que se lle pida ao propietario ou propietaria do posto, que o desmonte no mesmo día da feira deixando de ocupar chan público.

E, non sendo outro o obxecto da presente sesión, pola Presidencia dase por rematado o acto, sendo as vintedúas horas e trinta cinco minutos do día citado no encabezamento, de todo o que como Secretaria dou fe..-

.....Nº 8/2012

~~SESIÓN EXTRAORDINARIA E URXENTE CELEBRADA POLO PLENO DO CONCELLO O DÍA 28 MAIO 2012~~

ORDE DO DIA

Na Casa do Concello de Redondela, sendo as catorce trinta horas do día vinte e oito de maio de douce mil doce, baixo a Presidencia do Alcalde, JAVIER BAS CORUGEIRA e a asistencia dos/as concelleiros/as seguintes: MIGUEL ANGEL ALVAREZ BALLESTEROS, JOSE ALBERTO PAZOS COUÑAGO, MARIA TERESA PARIS BLANCO, ANA MARIA ALONSO ALONSO, JESUS CRESPO LOPEZ, MARIA JOSE BARCIELA BARROS, ERMINDA QUELLE FERNANDEZ, ARTURO GONZALEZ BARBEITO, CANDIDO VILABOA FIGUEROA, EDUARDO JOSE REGUERA OCAMPO, LUIS ALBERTO ORGE MIGUEZ, ANTONIO CABALEIRO MILLARES, LEONARDO CABALEIRO COUÑAGO, LETICIA GONZÁLEZ GUISANDE, ANTONIO VÁZQUEZ SACO, JOSE GARCÍA MÍGUEZ, CECILIA PÉREZ ORGE, XOAN CARLOS GONZÁLEZ CAMPO e JORGE VARELA COUÑAGO.

Tamén asistiu o Sr. Interventor do Concello D. ANGEL SANTAMARIÑA RIVERA, actuando como Secretaria a Secretaria Xeral da Corporación Dª. ANA BEGOÑA MERINO GIL, constitúese o Pleno do Concello, en sesión extraordinaria e urgente, conforme á convocatoria e de acordo coa Orde do Día.

INCIDENCIAS

Non asistente, excusando a súa ausencia, a Sra. Concelleira DIGNA ROSA RIVAS GÓMEZ.

Con carácter previo ao tratamento dos asuntos incluídos na Orde do Día a Corporación, garda un minuto de silencio en lembranza das vítimas da violencia de xénero.

A Presidencia declara aberta a sesión, en primeira convocatoria, procedéndose a tratar os puntos da Orde do Día.

1.- RATIFICACIÓN, SE PROCEDE, DA URXENCIA DA CONVOCATORIA.-

O Concello Pleno, por unanimidade dos/as Sres. Sras. concelleiros/as asistentes, vendo vinte votos a favor (10 do PP, do PSdeG-PSOE, 2 do BNG, e 1 de AER), ratificou a urgencia da presente convocatoria.-

2.- APROBACIÓN, SE PROCEDE, DA ACTA DA ÚLTIMA SESIÓN.-

Non se formulan observacións, e o Pleno do Concello, en votación ordinaria e por unanimidade dos/as seus membros, sendo vinte votos a favor (10 do PP, 7 do PSdeG-PSOE, 2 do BNG, e 1 de



(Sinatura do Presidente)

Folio N.º

Serie A N.º 1179592

AER), acorda prestar aprobación á acta da sesión celebrada con carácter ordinario o día 26 - abril - 2012.-

3.-RESOLUCIÓN RECLAMACIÓNS FORMULADAS Á ORDENANZA FISCAL REGULADORA DA TAXA POLA UTILIZACIÓN PRIVATIVA OU APROVEITAMENTO ESPECIAL CONSTITUÍDO POR OCUPACIÓNS DE TERREOS DE USO PÚBLICO CON POSTOS, BARRACAS, CASETAS DE VENDA, ESPECTÁCULOS OU ATRACCIONES, E INDUSTRIAS DE RÚA AMBULANTES E RODAXE CINEMETOGRÁFICA E APROBACIÓN DEFINITIVA DA MESMA.-

ANTECEDENTES.-

Dictame da Comisión Informativa de Economía, Facenda e Desenvolvemento Local, de data 25 de maio de 2012, que transcrita dí:

"DITAME DA COMISIÓN INFORMATIVA DE ECONOMÍA, FACENDA E DESENVOLVEMENTO LOCAL:

"Pola Presidencia dáse conta da súa proposta de data 25/05/2012 r:

Asunto: Resolver as reclamacións formuladas á Ordenanza fiscal reguladora da taxa pola utilización privativa ou aproveitamento especial constituído por ocupacións de terreos de uso público con postos, barracas, casetas de venta, espectáculos ou atracciones, e industrias de rúa e ambulantes e rodaxe cinematográfica, e aprobación definitiva da mesma

Vista a Ordenanza Fiscal, que queda redactada do seguinte xeito:

"Artigo 1.- Natureza e fundamento

En uso das facultades concedidas polos artigos 133.2 e 142 da Constitución, e polo artigo 106 da Lei 7/85, de 2 de Abril, reguladora das bases do réxime local, e de conformidade co disposto nos artigos 15 a 19 do Texto refundido da lei reguladora das facendas locais, aprobado por Real decreto lexislativo 2/2004, do 5 de marzo, o Concello de Redondela establece a taxa pola utilización privativa ou o aproveitamento especial do dominio público local constituídos pola ocupación de terreos de uso público con ocupacións por postos, barracas, casetas de venta, espectáculos ou atracciones, e industrias de rúa e ambulantes e rodaxe cinematográfica, a que se refire o artigo 20.3.n), e artigo 24 do citado Texto refundido, que se rexerá pola presente Ordenanza, e cuxas normas atenden ao prevido no artigo 57 do mesmo texto legal.

Artigo 2. Feito imponible

Constitúe o feito imponible desta taxa a utilización privativa ou o aproveitamento especial que se deriva da realización de ocupacións da vía pública ou terreos de uso público local con postos, barracas, casetas de venta, espectáculos, atracciones, industrias de rúa e ambulantes e rodaxe cinematográfica.

Artigo 3. Suxento pasivo

Son suxeitos pasivos contribuíntes as persoas físicas ou xurídicas e as entidades sen personalidade xurídica ás que se refire o artigo 35.4 da Lei 58/2003, do 17 de decembro, xeral tributaria, a cuxo favor se outorguen as licenzas, ou quen se beneficien do aproveitamento, se áinda non se concedera a oportuna autorización.

Artigo 4. Responsables

Os supostos de responsabilidade, xa sexa subsidiaria ou solidaria, serán os previstos na normativa tributaria.

Artigo 5. Exencións e bonificacións

Non poderán recoñecerse outros beneficios fiscais que os expresamente previstos nas normas con rango de lei ou os derivados da aplicación dos tratados internacionais.

Artigo 6. Base imponible



Tomarase como base para a determinación do importe desta taxa o valor de mercado que tería a utilización privativa ou o aproveitamento especial, e elo en función do tipo de aproveitamento, o tempo de duración do aproveitamento ao longo do ano e a categoría da vía pública sobre a que se sitúan.

Artigo 7. Cota tributaria. Réxime xeral

1. A contía da taxa regulada nesta Ordenanza será a resultante da aplicación das tarifas contidas neste artigo. No suposto de que se utilicen procedementos de licitación pública a contía da taxa será o valor económico da proposición, que en ningún caso poderá ser menor da cantidade resultante da aplicación do disposto nos apartados seguintes.

2. Ocupación con ou sen licencia previa

a) Feira do gando: Unidade _/día

a.1.- Reses de gando maior 1 1,46

a.2.- Reses de gando menor 1 0,60

a.3.- Porcos/as de cría 1 0,60

b) Postos, barracas, casetas de venda da feira:

b.1.- Toda clase de artigos. Cada m², até un máximo de 10 m² 0,73

Cada m² que excede de 10 m² 0,84

c) As atraccións, barracas, postos instalados e similares, satisfarán ao día 2,50 euros por cada metro cadrado ou fracción de ocupación.

d) Rodaxe cinematográfica, espectáculos callejeros, circos e similares.... Ate 500 m² 27,78

Por cada 100 m² máis ou fracción 11,53>.

e) Feira de Chapela:

e.1.- Toda clase de artigos Cada m² até un máximo de 10 m² 0,37

Cada m² que excede de 10 m²..... 0,42

f) Feira de artesanía:

Os artesáns para poder participar, no momento da solicitude deberán depositar unha fianza de 15 euros. Ademais pagarán 10,50 euros por cada día dos que se celebre a feira. A fianza devolverase ao rematar a feira, ou ben con anterioridade por razóns xustificadas ante o Concello.

O Concello por causas extraordinarias da súa competencia e responsabilidade nas que a feira non se puidese celebrar poderá reducir proporcionalmente o importe da taxa.

Artigo 8. Período impositivo e devengo

1. O período impositivo coincidirá co ano natural. A taxa devengase o primeiro día do período impositivo, salvo nos casos de alta ao longo do mesmo, en que se producirá no momento da ocupación.

2. No caso de aproveitamentos realizados por días, o período impositivo é por día. Neste suposto, a taxa devengase o día declarado de instalación.

Artigo 9. Normas de xestión

1. Os suxeitos pasivos están obrigados a presentar as oportunas autoliquidacións coa alta e as declaracions de baixa. Así mesmo, cando se produza unha modificación do número de elementos instalados, que supoña un incremento da cota tributaria, estarán obrigados a presentar a correspondente autoliquidación. No caso de que a modificación supoña a diminución da cota tributaria, estarán obrigados a presentar unha declaración pola dita modificación. Así mesmo, presentarán as declaracions de cambio de titularidade. Nos supostos de aproveitamentos realizados por días os suxeitos pasivos deberán presentar, con anterioridade á instalación dos



(Sinatura do Presidente)

Folio N.º

Serie A N.º 1179593



EL NUMERADO
CORPORACIONES
LOCAIS

elementos, unha autoliquidación na que se sinalen os días da ocupación. Esta mesma autoliquidación deberá ser presentada polos elementos complementarios que queiran ser instalados en días concretos. Nos supostos de autoliquidacións de alta ou modificación que supoña incremento dos elementos instalados, estas esixiranse en réxime de depósito previo.

2. O prazo de pago en período voluntario das autoliquidacións será de cinco días naturais.
3. Nos supostos de aproveitamentos de carácter continuado e non puntuais a taxa xestionarase mediante padrón.

Os padróns anuais anuaise ao cobro no primeiro trimestre de cada ano.

Poderá fraccionarse a cota anual sen xuros de demora mediante solicitude presentada no período voluntario de cobro utilizando formulario obrante nas oficinas de recadación. De utilizarse esta opción será obligatoria a domiciliación bancaria dos pagos, os que se producirán os días 5 dos meses de marzo, xuño, setembro e decembro.

O fraccionamento concedido, entenderase tácitamente renovado para o exercicio seguinte sempre que non exista unha petición de modificación ou revogación expresa polo interesado.

4. As autoliquidacións de alta producirán a incorporación dos suxeitos pasivos ao padrón do período impositivo seguinte a aquel no que se efectúen as citadas autoliquidacións.
5. As declaracions de baixa producirán a baixa no padrón do período impositivo seguinte a aquel no que se efectúen as citadas declaracions.
6. As autoliquidacións e declaracions de modificación producirán a incorporación ao padrón do período impositivo seguinte a aquel no que se efectúen.
7. En ningún caso, o inicio do procedemento de xestión ou o pago da cota implicará que se entanden como autorizadas polo Concello de Redondela as distintas instalacions.
8. As cantidades esixibles con arranxo ás tarifas liquidaranse mediante recibo ou autoliquidaranse por cada aproveitamento solicitado ou realizado e serán irreductibles polo período sinalado.

DISPOSICIÓN FINAL

A presente modificación da Ordenanza, aprobada polo Pleno da Corporación na súa sesión do día --/-/-, e, unha vez publicada integralmente no Boletín Oficial da Provincia, entrará en vigor ao día seguinte da súa publicación, producindo efectos ata a súa modificación ou derogación."

Vistas as reclamacions formuladas contra dita Ordenanza

De conformidade co establecido no TRLFL e no Rd 500/90, procédease a resolver as reclamacions formuladas contra dita Ordenanza Fiscal.

E estas son as motivacions que levan a propor esta Comisión Informativa de Economía, Facenda e Desenvolvemento Local:

PRIMEIRO.-Desestimar as reclamacions formuladas e Aprobar definitivamente a Ordenanza Fiscal reguladora da taxa pola utilización privativa ou aproveitamento especial constituído por ocupacións de terreos de uso público con postos, barracas, casetas de venta, espectáculos ou atraccións, e industrias de rúa e ambulantes e rodaxe cinematográfica :

(Intervencións.-.....)

Votacións e dictame.-

A Comisión Informativa de Economía, Facenda e Desenvolvemento local, en votación ordinaria, e cos votos a favor de todos os presentes, estimou oportuno dictaminar favorablemente a proposta."

INTERVENCIÓN.-

O Sr. Varela Couñago dí que como non pudo reunir á Agrupación de Electores para falar do


asunto, vaise a abster.

A Sra. Pérez orge dí que a alegación formulada é e subxectiva e non se sustenta en ningunha norma legal polo que considera que procede rexeitala.

VOTACIÓN E ACORDO.-

O Concello Pleno, en votación ordinaria e por maioría dos/as Sres./as Concelleiros/as asistentes, sendo dezanove votos a favor (10 do PP, 7 do PsdeG-PSOE e 2 do BNG) e 1 abstención de AER, aprobou, nos seus propios términos, o dictame da Comisión Informativa nos antecedentes transcritos.-

E, non sendo outro o obxecto da presente sesión, pola Presidencia dase por rematado o acto, sendo as catorce horas e trinta e cinco minutos do día citado no encabezamento, de todo o que como Secretaria dou fe.-



Nº 9/2012

SESIÓN ORDINARIA CELEBRADA POLO PLENO DO CONCELLO O DÍA 31 MAIO 2012

ORDE DO DIA

1. APROBACIÓN, SE PROCEDE, DA ACTA DA ÚLTIMA SESIÓN.
2. DAR CONTA RESOLUCIÓN DO CONSELLO DE ADMINISTRACIÓN DA AUTORIDADE PORTUARIA DE VIGO DE DATA 27.01.12, S/ BONIFICACIÓN DA TAXA DE OCUPACIÓN DA CONCESIÓN ADMINISTRATIVA, CON DESTINO Á INSTALACIÓN DUN CENTRO MUSEÍSTICO (CENTRO DE INTERPRETACIÓN DE RANDÉ).
3. RESOLUCIÓN EXPEDIENTE DE RESPONSABILIDADE PATRIMONIAL Nº 36/2011.
4. ARRENDAMENTO KIOSCO Nº 4 SITO NA ALAMEDA DE REDONDELA.
5. RESOLUCIÓN DE RECURSO PRESENTADO POR D. DANIEL LAGO COUÑAGO, CONTRA ACORDO CONCELLO PLENO BAIXA CAMIÑO, SITO EN SAN PEDRO-CESANTES, NO INVENTARIO MUNICIPAL DE BÉNS.
6. APROBACIÓN CONTAS DA ENTIDADE RADIO REDONDELA, S. L., DO ANO 2011.
7. PROPOSTA DE NOMEAMENTO DE REPRESENTANTES NA ÁREA METROPOLITANA DE VIGO.
8. MODIFICACIÓN DE ACORDOS PLENARIOS DE CREACIÓN E FUNDAMENTO DA COMISIÓN DE SEGUIMENTO E CONTROL DOS SERVIZOS PÚBLICOS PRIVATIZADOS.

ASUNTOS FORA DA ORDE DO DÍA:

RECOÑECIMENTO EXTRAXUDICIAL DE CRÉDITO

9. ACTIVIDADES DE CONTROL DE PLENO:

10. 9.1 DAR CONTA RESOLUCIÓNS DA ALCALDÍA.
11. 9.2 MOCIÓN.
12. 9.3 SOLICITUDE DE COMPARECENCIAS.
13. 9.4 ROGOS E PREGUNTAS

Na Sala do edificio do Multiusos de Redondela, sendo as vinte horas do día trinta e ún de maio de dous mil doce, baixo a Presidencia do Sr. Alcalde, D. JAVIER BAS CORUGEIRA e a asistencia dos/as Sres./as concelleiros/as seguintes: D. MIGUEL ANGEL ALVAREZ BALLESTEROS, D. JOSE ALBERTO PAZOS COUÑAGO, Dª. MARIA TERESA PARIS BLANCO, Dª. ANA MARIA